

*BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA BOSANSKA KRUPA
OPĆINSKI NAČELNIK*

*BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
MUNICIPALITY OF BOSANSKA KRUPA
MAYOR OF MUNICIPALITY*



*IZVJEŠTAJ
o radu Općinskog načelnika za 2015. godinu*

Bosanska Krupa, mart 2016. godine

S A D R Ž A J

1. Uvod	3
2. Lokalna uprava	4
3. Obrazovanje, sport, kultura, mladi i NVO sektor.....	10
4. Civilno društvo	14
5. Kapitalni projekti i infrastruktura	15
6. Javnost i transparentnost rada	19
7. Zaključak	19

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
OPĆINSKI NAČELNIK

Na osnovu člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) i člana 45. tačka 13. Statuta Općine Bosanska Krupa-prečišćen tekst („Službeni glasnik Općine Bosanska Krupa“, broj 8/14) Općinski načelnik općine Bosanska Krupa, Općinskom vijeću podnosi:

I Z V J E Š T A J

o radu Općinskog načelnika za 2015. godinu

I U V O D

Na osnovu člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) i člana 45. tačka 13. Statuta Općine Bosanska Krupa - prečišćen tekst („Službeni glasnik Općine Bosanska Krupa“, broj 8/14) Programom rada Općinskog načelnika za 2015. godinu i Programa rada Općinskog vijeća za 2015. godinu, a u cilju poštivanja ustavnosti, zakonitosti i javnosti u provođenju općinske politike, načelnik Općine dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova kantonalne uprave.

U ovom izvještajnom periodu aktivnosti su usmjerene, kako na redovne Programom rada zacrtane zadatke, tako i na vanredne poslove koji su se javljali u toku izvještajnog perioda. Prilikom realizacije programskih zadataka pridržavao sam se Ustava, zakona, Statuta Općine Bosanska Krupa, odluka i stavova Općinskog vijeća Bosanska Krupa. Pri tome sam nastojao i zalagao se da se poboljša položaj Općine kao jedinice lokalne samouprave, da se provedu zakonske odredbe koje regulišu njen status, te da se kvalitet života građana općine podigne na viši nivo.

Izvještajni period dobrim dijelom karakteriše nastavak započetih aktivnosti i realizacija planiranih projekata koji imaju za cilj unapređenje stanja u pojedinim oblastima.

Polazeći od utvrđenog Programa rada, te od normativnog sadržaja nadležnosti Načelnika kao izvršnog organa, ovaj izvještaj predstavlja pregled aktivnosti koje su se poduzele u 2015. godini. Tačnije, prikazane su glavne aktivnosti u radu Načelnika prema područjima djelovanja i djelokruga izvršnih poslova.

Načelnik, šefovi službi, direktori javnih preduzeća i javnih ustanova, uz dobru saradnju sa općinskim vijećnicima, sudjelovali su u izvještajnom periodu u oblikovanju i realizaciji postojećih, ali i nizu novih projekata, a sve u cilju stvaranja boljeg standarda građana. S tim u vezi, doneseno je niz odluka, pokrenuto i realizirano niz projekata, o čemu se više detalja nalazi u nastavku izvještaja.

Ključni ciljevi iz Programa rada Općinskog načelnika za 2015. godinu uspješno realizovani. Izvršeni su i najvažniji zadaci općinskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima sam se zajedno sa svojim saradnicima, državnim službenicima i zaposlenicima neposredno angažovao.

Prilikom izrade Budžeta i Programa rada Načelnika za 2015. usaglašeni su glavni razvojni i veći infrastrukturni projekti kao što su nastavak radova na izgradnji infrastrukture u Poslovnoj zoni „Pilana“, što obuhvata izgradnju gornjeg stroja interne saobraćajnice; proširenje primarnog voda u okviru projekta „Proširenje gradske vodovodne mreže za naselja Zalin, Potkrš, Gornji Petrovići“; završetak radova na uređenju platoa zanatskog centra u okviru projekta CPRP (Centar za podršku i razvoj poduzetništva) Općina Bosanska Krupa, završetak projekta energetske efikasnosti školskih objekata u osnovnim školama „Jezerki“, koji obuhvata zamjenu stolarije na centralnoj školi u Jezerskom; završetak projekta Zeleni otoci; nastavak radova na projektu regulacije potoka Kalender sa izgradnjom fekalnih kolektora; nastavak realizacije projekta odvodnje otpadnih voda u Bosanskoj Krupi, te početak izvođenja radova; nastavak započetih projekata rekonstrukcije puteva, kao i izgradnje i rekonstrukcije novih putnih pravaca; nastavak izgradnje javne rasvjete na području cijele općine; nastavak realizacije projekta BINOVA; realizacija projekta „Certifikacija gradova i općina s povoljnim poslovnim okruženjem-BFC“.

Osim propisanih i programom utvrđenih zadataka i obaveza, prioritet u radu bilo je kontinuirano djelovanje na unapređenju poslovanja, te što kvalitetnijem i efikasnijem komuniciranju i rješavanju zahtjeva građana. Kroz nadležnosti načelnika u obavljanju poslova iz zakonom određenog samoupravnog djelokruga u nastavku ovog izvještaja daje se pregled izvršenih poslova, a koje se odnose na oblast lokalne uprave, Obrazovanje, sport, kultura, mladi i NVO sektor, Civilno društvo i Kapitalni projekti i infrastruktura.

II LOKALNA UPRAVA

U okviru lokalne uprave, a u skladu sa Programom rada, urađeni su slijedeći poslovi:

- izrađena prezentacija (namjena zemljišta prema Prostornom i regulacionim planovima) putem web stranice Općine,
- izrađena je baza podataka geografsko-informacionog sistema (GIS) što će omogućiti kvalitetno povezivanje svih postojećih baza podataka sa prostornim podacima;
- izrađen je registar zelenih površina,
- izrađen je registar izdatih urbanističkih saglasnosti, lokacijskih informacija i odobrenja za građenje,
- u izvještajnoj godini radilo se na izradi informacionog sistema za praćenje svih projekata na nivou lokalne zajednice, a okončanje uspostave ovog sistema se očekuje krajem mjeseca juna 2016. godine,
- nastavilo se sa aktivnostima na uspostavi katastra nekretnina i katastra podzemnih instalacija za dio općine gdje je novi premjer stupio na snagu;

- radilo se na izradi projektnih aplikacija i apliciranje prema međunarodnim organizacijama i donatorima, u cilju obezbjeđenja finansijskih sredstava za realizaciju projekata;
- nastavilo se sa unapređenjem već efektivne, efikasne, odgovarajuće i odgovorne općinske uprave prilagođene potrebama građana i poslovnih subjekata;
- kontinuirano se radilo na poboljšanju u organizaciji i funkcionisanju općinske uprave u skladu sa evropskim standardima; poboljšanju transparentnosti i protoku informacija unutar administracije i prema građanima i poslovnim subjektima, stručnom osposobljavanju i usavršavanju uposlenika;
- i dalje smo davali punu podršku lokalnom privrednom razvoju, planiranju, projektovanju i vođenju svih infrastrukturnih i drugih projekata u općini, unapređenju i osnaživanju saradnje sa poduzetnicima, podršci razvoju poljoprivrede i ruralnih područja, nastavku primjene programa štednje u organima uprave i drugim institucijama i organima koji se finansiraju iz budžeta općine;
- radili smo na poboljšanju usluga javnog sektora na nivou lokalne zajednice u oblasti komunalnih poslova i zaštite okoliša, društvenih djelatnosti, kulture, sporta, medija itd;
- inoviranju socijalnih programa i brige za ugrožene i kategorije u stanju socijalne potrebe, boračku populaciju, raseljena lica i izbjeglice;
- kroz brojne projekte na nivou BiH, ali i u okviru prekogranične saradnje, radilo se na stvaranju energetski efikasne općine, koja će i na tom polju biti u stanju nositi se sa evropskim standardima;
- nastavili sa održavanjem svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina;
- u oblasti rekonstrukcije puteva nastavili sa započetim projekatima rekonstrukcije puteva, te radili na novim projektima;
- konstantno se radilo na praćenju stanja priprema za zaštitu i spašavanje od prirodnih i drugih nesreća na području općine i preduzimale pravilne, stručne, efikasne i blagovremene mjere;
- održano je niz obuka, stručnih predavanja i prezentacija za poljoprivredne proizvođače,
- sa Uredom BHMACH-a kontinuirano se radilo na predlaganju i praćenju projekata deminiranja, tehničkog izviđanja i trajnog obilježavanja rizičnih površina od mina na području općine,
- na području općine u izvještajnom periodu deminirana su slijedeća područja: Banjani-Osmača, Kajtezi-Kutanja, Kajtezi-spomenik. Ukupno je u 2015. godini je deminirano 113.159,00 u m², MINA=20 kom. NUS=4 kom.
- vršeno je prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama;

- obavljani su i poslovi: praćenje klimatoloških prilika na području općine (mjerenje temperaturne vrijednosti zraka, praćenje vodostaja svih rijeka, snježnog pokrivača, praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara,
- izvještajnu godinu je obilježila pojava prirodne nesreće oštećenja drvenog mosta preko rijeke Une u Bosanskoj Krupi (glavni gradski most „Kula) izazvano obilnim padavinama, kao i proglašenje postojanja neposredne opasnosti od moguće prirodne i druge nesreće od neeksplozivne avioбомbe zaostale iz drugog svjetskog rata u Bosanskoj Otoci,
- konstantno se koordiniralo i pružala pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća, pratile klimatološke prilike na području općine (mjerenje temperaturne vrijednosti zraka, praćenje vodostaja svih rijeka, te snježnog pokrivača);
- na osnovu Ugovora o realizaciji projekta „Roma Action (RA) – Podrška socio-ekonomskom uključenju romske populacije u BiH putem obezbjeđenja stambenih jedinica i socio-ekonomskih mjera sa aktivnim učešćem lokalih vlasti” potpisanog između EU zastupanom od Evropske komisije i Hilfswerk Austria International, u okviru programa EU IPA 2011 „Podrška provedbi akcionih planova za Rome“. U 2015. godini otpočela izgradnja kolektivnog stambenog objekta, a u 2016. godini se očekuje završetak objekta;
- nastavili smo sa realizacijom obaveza utvrđenih Memorandumom o saradnji u projektu PRO-Budućnost. Projekt provodi CRS (Catholic Relief Services) u saradnji sa Fondacijom Mozaik, Caritasom Biskupske konferencije Bosne i Hercegovine, Forumom građana Tuzla i Helsinškim parlamentom građana. Cilj projekta je izgradnja povjerenja među građanima svih etničkih skupina u Bosni i Hercegovini.

U toku izvještajnog perioda u prostornoj oblasti obavljali su se poslovi planiranja i uređenja prostora, priprema i provođenje planskih akata, analiza postojeće prostornoplanske dokumentacije i iniciranje njene izmjene, vođenje upravnog postupka u predmetima izdavanja urbanističke saglasnosti, odobrenja za građenje i upotrebu objekata, obnovu i sanaciju stambenog fonda kao i objekata u vlasništvu općine.

Komunalna problematika je bila i ostala ključna oblast za općinu, kao osnova jedinice lokalne uprave. Održavanje puteva, gradskih ulica i drugih javnih površina obavljalo se najkvalitetnije, a u skladu sa raspoloživim sredstvima u ljetnom i u zimskom periodu. Napominjemo da je proširena mreža puteva koji su obuhvaćeni ljetnim i zimskim održavanjem. Potpisan je sporazum o održavanju dijela lokalnih i nekategorisanih cesta u sklopu zimske službe sa mjesnim zajednicama u skladu sa Programom zajedničke komunalne potrošnje.

Kako je Općinski načelnik zajedno sa službama u najvećoj mjeri predlagač akata iz Programa rada Općinskog vijeća Bosanska Krupa, pravovremeno i maksimalno efikasno pripremali smo predmetne materijale. Naravno, osim planiranih aktivnosti u ovom segmentu, Općinsko vijeće razmatralo je i nove normativne i druge akte za čijom izradom

se ukazala potreba. Osim toga, svi općinski propisi su se redovno usklađivali, na nivou svake službe, sa izmjenama i dopunama zakonske regulative.

U izvještajnom periodu pripremljeni su i usvojeni slijedeći akti:

1. Odluka o imenovanju Općinskog pravobranioca Općine Bosanska Krupa
2. Odluka o namjeni korištenja sredstava prikupljenih po osnovu dodjele koncesija koje pripadaju Općini Bosanska Krupa za 2014. godinu
3. Odluka o dopuni odluke o radnom vremenu turističkih, ugostiteljskih, trgovačkih i zanatskih objekata i objekata za priređivanje igara za zabavu i igara na sreću na području Općine Bosanska Krupa
4. Odluka o promjeni statusa nepokretnosti u općoj upotrebi
5. Rješenje o utvrđivanju javnog interesa za izgradnju nadzemnog i podzemnog dalekovoda (Redak 2)
6. Zaključak- šume
7. Odluka o usvajanju Plana implementacije Strategije razvoja Općine Bosanska Krupa 2015-2017. godine
8. Izvještaj o radu Općinskog načelnika
9. Program rada za 2015. godinu JU „Centar za socijalni rad“ Bosanska Krupa
10. Program rada za 2015. godinu JU“ Centar za kulturu, obrazovanje i informisanje“ Bos. Krupa
11. c) Program rada za 2015. godinu JP“ Radio Bosanska Krupa“ d.o.o. Bosanska Krupa
12. Budžet Općine Bosanska Krupa za 2015. godinu
13. Odluka o izvršenju Budžeta Općine Bosanska Krupa za 2015. godinu
14. Akta iz imovinsko pravne oblasti:
15. Rješenje o odbijanju zahtjeva za dodjelu zemljišta Emiru Jusić
16. Rješenje o odbijanju zahtjeva za dodjelu zemljišta Bejzi Jusić
17. Rješenje o odbijanju zahtjeva za dodjelu zemljišta Aliji i Ismailu Karabegović
18. Rješenje o odbijanju zahtjeva za dodjelu zemljišta Fuadu Dervišević
19. Rješenje o odbijanju zahtjeva za dodjelu zemljišta Zehidi Mušeljić
20. Rješenje o odbijanju zahtjeva za dodjelu zemljišta Senadu Pašić
21. Rješenje o utvrđivanju javnog interesa za izgradnju dijela niskonaponske mreže „Gornja Suvaja 1“ Gornja Suvaja
22. Zaključak u vezi rekonstrukcije niskonaponske mreže u zaseocima MZ Ljusina
23. Izvještaj o radu Jedinog općinskog organa uprave Općine Bosanska Krupa za 2014. godinu
24. Program rada Jedinog općinskog organa uprave Općine Bosanska Krupa za 2015. godinu
25. Program rada za 2015. godinu JU „Centar za socijalni rad“ Bosanska Krupa
26. Godišnji Izvještaj o izvršenju Budžeta Općine Bosanska Krupa za 2014. godinu
27. Odluka o raspisivanju javnog poziva za zakup poljoprivrednog zemljišta u vlasništvu države na području općine Bosanska Krupa
28. Odluka o dopunama Odluke o naknadi za korištenje javnog dobra u vlasništvu Općine Bosanska Krupa
29. Akta iz imovinsko pravne oblasti:
30. Rješenje o utvrđivanju javnog interesa za izgradnju niskonaponske mreže „Nuhanovići“ Mahmić Selo
31. Rješenje o utvrđivanju javnog interesa za izgradnju niskonaponske mreže „Jezerski-Centar“ Jezerski
32. Rješenje o utvrđivanju javnog interesa za izgradnju niskonaponske nadzemne 0,4kw mreže „Manda“
33. Rješenje o utvrđivanju javnog interesa za izgradnju niskonaponske mreže „Orašćani 1“
34. Zaključak o davanju saglasnosti za sanaciju ravnog krova poslovnog prostora vlasništva Općine Bosanska Krupa
35. Izvještaj o radu JU „Centar za socijalni rad“ Bosanska Krupa za 2014. godinu
36. Izvještaj o radu JU“ Centar za kulturu, obrazovanje i informisanje“ Bos. Krupa za 2014. godinu

37. Izvještaj o radu JU“ Centar za kulturu, obrazovanje i informisanje“ Bos.Krupa za 2014.godinu
38. Informacija Općinskog pravobranioca o stanju predmeta koje je zaprimio po preuzimanju dužnosti
39. Godišnji plan o utrošku sredstava od naknade za korištenje državnih šuma za 2015.godinu
40. Odluka o namijeni korištenja sredstava prikupljenih po osnovu dodjele koncesije koje pripadaju Općini Bosanska Krupa za 2015.godinu
41. Odluka o formiranju Poslovne zone „Vatreni mlin“
42. Odluka o dopuni Odluke o izvršenju Budžeta Općine Bosanska Krupa za 2015.godinu
43. Odluka o objavljivanju javnog oglasa za imenovanje članova Općinske izborne komisije Bosanska Krupa
44. Akta iz imovinsko pravne oblasti:
45. Rješenje o utvrđivanju javnog interesa za rekonstrukciju niskonaponske mreže „Vrletnica“Bosanska Otoka
46. Rješenje o utvrđivanju javnog interesa za izgradnju raspleta niskonaponske mreže „Meniči“Jezerski
47. Rješenje o utvrđivanju javnog interesa za izgradnju raspleta niskonaponske mreže „Begovo brdo“Ljusina
48. Rezolucija o protivljenju planiranja, izgradnji Centra za zbrinjavanje radio aktivnog otpada na Trgovskoj gori u Republici Hrvatskoj
49. zaključak o usvajanju i stavljanju na javni uvid Nacrt izmjena i dopuna Regulacionog plana „Centar“
50. Informacija o zbrinjavanju raseljenih lica
51. Odluka o izradi Regulacionog plana Poslovna zona “Vatreni mlin”
52. Odluka o izmjeni i dopuni Regulacionog plana „Poslovna zona Pilana“
53. Odluka o korištenju sredstava posebne naknade za realizaciju projekata prevencije humanitarnog deminiranja po projektnim zadacima BH MAC-a
54. Odluka o korištenju sredstava posebne naknade za realizaciju projekta prevencije-izdizanja nivelete ceste iznad kote plavljenja u Krušničkoj ulici-radi plaćanja računa izvođaču radova BC-GRADNJA d.o.o. Bosanska Otoka
55. Odluka o izmjeni odluke o imenovanju članova skupština društva:
56. JP“Radio Bosanska Krupa“
57. JP“Veterinarska stanica“
58. JKP“10.JULI“
59. Pravilnik o planiranju i praćenju i vrednovanju godišnjeg rada općinske uprave i izvještavanju u Jedinstvenom općinskom organu uprave Općine Bosanska Krupa
60. Pravilnik o vrstama, kriterijima i načinu raspodjele novčanih sredstava iz granta za razvoj poljoprivrede u Općini Bosanska Krupa za 2015.godinu
61. Zaključak o rasporedu sredstava planiranih Budžetom Općine Bosanska Krupa za 2015.godinu
62. Zaključak o davanju saglasnosti za postavljanje telekomunikacijskog (TK) uređaja od strane BH Telecoma u iznajmljenim prostorijama objekta Direkcije ŠPD „Unsko-sanske“d.o.o. Bosanska Krupa
63. Zaključak za usvajanje Inicijative prekategorizacije puta Križ-Krčana
64. Odluka o dopuni Odluke o izvršenju Budžeta Općine Bosanska Krupa za 2015.god.
65. Odluka o namjeni korištenja sredstava prikupljenih po osnovu dodjele koncesije koje pripadaju općini Bosanska Krupa za 2015.godinu
66. Godišnji plan o izmjenama i dopunama Godišnjeg plana o utrošku sredstava od naknade za korištenje državnih šuma za 2015. godinu
67. Odluka o korištenju sredstava posebne naknade za plaćanje računa izvođaču radova za izvedene radove na realizaciji projekta pravencije čišćenja vodotoka II kategorije – „Potok Svetinja“sa liste projekata prevencije za 2015.
68. Odluka pristupanju izradi digitalnog katastra komunalnih uređaja za područje općine Bosanska Krupa
69. Izvještaj o izvršenju prihoda i rashoda za period 01.01-30.06.2015.godine
70. Izvještaj o trošenju sredstava budžetske rezerve za period 01.01. do 30.06.2015.
71. Odluka o načinu i uvjetima prodaje nekretnine u obuhvatu Regulacionog plana „Poslovna zona Pilana“
72. Odluka o izradi Regulacionog plana“Industrijska zona“

73. Odluka o o uslovima, načinu i ispunjenosti prostorno tehničkih uslova za rad casina, kladionica i automat klubova na području općine Bosanska Krupa
74. Odluka o načinu i uvjetima prodaje montažnih devastiranih čeličnih objekata u obuhvatu Poslovne zone „VATRENI MLIN“
75. Pravilnik o izmjeni Pravilnika o vrstama, kriterijima i načinu raspodjele novčanih sredstava iz Granta za razvoj poljoprivrede u Općini Bosanska Krupa za 2015.godinu
76. Izvještaj o radu Komunalnog inspektora za period 01.01. 30.06.2015.godine
77. Izvještaj o radu Urbanističko-građevinskog inspektora za period 01.01.-
78. 30.06.2015.godine
79. Izvještaj o ostvarenju godišnjeg plana implementacije Strategije razvoja općine Bosanska Krupa za 2014. godinu
80. Odluka o utvrđivanju vrijednosti boda za komunalnu naknadu za 2016.godinu
81. Odluka o utvrđivanju bazne cijene kao osnovice za obračun naknade za
82. uređenje građevinskog zemljišta za 2016. godinu na području općine Bos. Krupa
83. Odluka o utvrđivanju prosječne konačne građevinske cijene 1 m² korisn stambene površine na području općine Bosanska Krupa za 2016. godinu
84. Odluka o načinu i uvjetima prodaje nekretnine u obuhvatu Regulacionog
85. plana „Poslovna zona Pilana“
86. Odluka o plaćama i naknadama uposlenika u općinskim organima Bosanska Krupa
87. Odluka o davanju na privremeno korištenje poslovnih prostorija u Domu
88. kulture Bosanska Otoka
89. Odluka o usvajanju Konačnog izvještaja Komisije za popis i procjenu štete od prirodnih i drugih nepogoda
90. Odluka o održavanju i zaštiti domaćih životinja, kućnih ljubimaca i nezbrinutih životinja na području općine Bosanska Krupa
91. Informacija o aktivnostima na uspostavljanju Poslovne zone Pilana
92. Izvještaj o radu JKP "10.JULI" d.o.o. za 2014. godinu
93. Izvještaj o radu JP“RADIO BOSANSKA KRUPA“. za 2014. godinu
94. Budžet Općine Bosanska Krupa za 2016.godinu
95. Odluka o izvršenju budžeta Općine Bosanska Krupa za 2016. godinu
96. Odluka dopuni Odluke o općinskim administrativnim taksama i tarifi općinskih administrativnih taksa
97. Odluka o izmjeni odluke o izvršenju budžeta Općine Bosanska Krupa za 2015. godinu
98. Odluka o izradi Regulacionog plana „Otoka 1“
99. Zaključak o usvajanju nacrta Regulacionog plana „Poslovna zona Pilana“
100. Odluka o o uslovima, načinu i visini naknade za postavljanje ili popravak podzemnih ili nadzemnih instalacija u Općini Bosanska Krupa.

Kada je u pitanju oblast ljudskih resursa, može se reći da je stanje zadovoljavajuće. Izvršeni poslovi realizovani su sa postojećim materijalno tehničkim sredstvima. U izvještajnoj godini kontinuirano se radilo na poboljšanju u organizaciji i funkcionisanju općinske uprave u skladu sa evropskim standardima.

Kada su u pitanju materijalni troškovi, istrajali smo na kontinuiranim mjerama štednje u potrošnji papira, kancelarijskog materijala, kopiranja i umnožavanja (koje je isključivo u vlastitoj režiji) i svih drugih sitnih rashoda. Vozni park općine korišten je racionalno i u okvirima predviđene potrošnje.

U 2015. godini općinske službe za upravu realizovale su veliki broj poslova i zadataka, a obim i efikasnost u rješavanju zaprimljenih predmeta u upravnom rješavanju će biti prikazan u posebnom izvještaju o radu Jedinственog općinskog organa uprave općine Bosanska Krupa za 2015. godinu i bit će razmatran kao posebna tačka dnevnog reda na sjednici Općinskog vijeća.

Međusobni odnosi Općinskog vijeća većinom su se zasnivali na principima međusobnog uvažavanja i saradnje, mada je ponekad to izostajalo, uz pojedinačnu

odgovornost za ostvarivanje vlastitih nadležnosti i zajedničku odgovornost za funkcionisanje i razvoj općine. Kroz vlastiti angažman, koordinaciju i usmjeravanje rada službi općinske uprave, drugih organa i komisija, urađen je najveći dio posla i obaveza u izvršavanju odluka i zaključaka Općinskog vijeća.

III OBRAZOVANJE, SPORT, KULTURA, MLADI I NVO SEKTOR

Obrazovanje

U oblasti obrazovanja već šestu godinu zaredom realizujemo projekt stipendiranja svih studenata sa područja naše općine. Za prošlu školsku godinu potpisali smo ugovore sa svim redovnim studentima sa područja naše općine o cjelogodišnjem stipendiranju, a u skladu sa kriterijima za dodjelu stipendija dodjeljene su 163 stipendije. Toliko i ima studenata na području općine koji su ispunili uslove za dodjelu i za ovu namjenu je izdvojeno 129,980,00 KM.

Općina je i u ovoj izvještajnoj godini sufinansirala prijevoz učenika putnika koji pohađaju srednju školu i to: za djecu bez jednog ili oba roditelja, subvencioniranje prijevoza za sve učenike putnike u visini od 30%, za djecu bez jednog roditelja obezbijedili subvenciju od 50 %, a bez oba roditelja prijevoz se finansira u iznosu od 100 %. Iz Budžeta Općine je za subvencioniranje prijevoza učenika srednjih škola je izdvojeno 72.055,00 KM.

Subvencionirali smo i prijevoz đaka osnovnih škola, jer nismo mogli dozvoliti da, djeca zbog neriješenih postupaka javnih nabavki koje provodi škola i Kanton, ne idu u školu u drugom polugodištu.

I dalje smo nastavili sa realizacijom projekta kupovine i dodjele udžbenika djeci iz socijalno ugroženih porodica. Proteklih godina u budžetu Općine planirana su sredstva za po petnaest kompleta novih knjiga i na taj način je stvoren revolving fond. Svaki učenik koji sačuva knjige i vrati ih naredne školske godine dobija drugi komplet. U 2015. godini smo podjelili 70 kompleta udžbenika, a za nabavu novih kompleta u izvještajnoj godini je izdvojeno 2.060,00 KM.

U izvještajnom periodu smo radili i na održavanju školskih objekata, te podržali sve manifestacije osnovnih škola.

Što se tiče kapitalnih projekata iz ove oblasti, uz pomoć Vlade Japana i Vjeća roditelja OŠ „Jezerki“ okončali smo projektne aktivnosti na projektu energetske efikasnosti u područnoj školi Mahmić Selo (instalacija centralnog grijanja) i u centralnoj školi Jezerki i (instalacija centralnog grijanja i zamjena dijela stolarije).

Općina je potpomogla i projekt energetske efikasnosti objekata, kao i sanaciju kotlovnice Druge osnovne škole.

Iz Budžeta Općine za ove namjene je izdvojen iznos od 269.138,50 KM

Sport

U Budžetu Općine Bosanska Krupa osigurana su sredstva za rad i sufinansiranje programa različitih sportskih klubova i udruženja, te redovnu djelatnost Sportskog saveza općine. Redovna djelatnost i sportske aktivnosti udruženja iz oblasti sporta (su)finansirane su sredstvima Budžeta za 2015. godinu. Općina Bosanska Krupa kontinuirano prati stanje sportske infrastrukture.

Subvencionirali smo sportske manifestacije, takmičenja i turnire.

Iz Budžeta Općine u izvještajnoj godini za ove namjene smo izdvojili 131.260,00 KM.

Kultura

U oblasti kulture općina je većinu svojih aktivnosti usmjerila na stvaranje mogućnosti za razvoj kulturnih djelatnosti i obezbjeđenje uslova za stvaranje, prenošenje i dostupnost kulturnih vrijednosti građanima općine. U tom smislu u budžetu su obezbijedena sredstva za rad ustanova i institucija kulture.

Uspostavljena je neposredna saradnja sa ustanovama i institucijama kulture u realizaciji utvrđenih i usvojenih projekata i programa, a vršen je i nadzor nad njihovom realizacijom.

U 2015. godini na području općine odvijale su se raznovrsne kulturne aktivnosti od kojih ćemo istaći najznačajnije.

Projekt "Bosanska Krupa - grad malih sajмова" je i ove godine realizovan, organizovani su sajmovi knjiga, organske proizvodnje, ljekobilja i meda, te sajam narodnih rukotvorina. Održan je i četvrti po redu Novogodišnji sajam.

Obilježena je i dječija uz druženje s Djeda Mrazom i podjelom novogodišnjih paketića. Kako i nekoliko posljednjih godina organizovan je doček Nove godine na otvorenom.

Kao i svake godine, obilježeni su svi značajni datumi: Dan nezavisnosti BiH, Dan IDČ "Faraoni", Dan Armije R BiH, Dan otpora agresiji na općinu Bosanska Krupa, Dan oslobađanja Kobiljnaka, Dan prve zakletve TO, Dan Patriotske lige BiH, Godišnjica pogibije komandanta Mirsada Crnkića, Bitka za Osmaču, Dan oslobađanja Čojluka, Dan genocida u Srebrenici, Obilježavanje bitke za Crkvinu, Dan 511. Slavne bbr., Dan šehida, Dan oslobođenja Bosanske Krupe, Dan slamanja ofanzive na Plavno i Joju, Dan uspostavljanja mostobrana Ostružnica, te Dan državnosti BiH. U okviru septembarskih dana slobode održane su i radničke sportske igre.

Održana je 45. Likovna kolonija Krušnica, općinska smotra znanja i sposobnosti, 22. Književni susreti „Stazama djetinjstva“ Bosanska Krupa, memorijalni turniri Čojluk, Mirsad Crnkić i Crkvina. I u 2015. godini Općina je uzela znatno učešće međunarodne Una regate. Održani su i Unski lađari na jednom visokom nivou i uz veliki broj učesnika i posjetilaca.

Na svečan i dostojanstven način obilježeni su septembarski dani slobode i 17. septembar - Dan općine Bosanska Krupa. Proslava godišnjice od formiranja 511. slavne

bbr. ove je godine održana uz prisustvo velikog broja boraca i građana.

Upriličena je i šesta po redu „Večer sevdaha“, također je održana i 8. Regionalna smotra horskog stvaralaštva i 8. Regionalna smotra folklornog stvaralaštva, uz znatan angažman nosioca projekta KUD „Grmeč“ kao i Međunarodni festival folkloru u Bosanskoj Otoci uz KUD „Mladost“.

Sredstvima Budžeta Općine Bosanska Krupa za 2015. godinu (su)finansirani su programi institucija i udruženja iz oblasti kulture i to:

- KUD „Grmeč“ Bosanska Krupa,
- KUD „Mladost“ Bosanska Otoka,
- KUD „Una“ Bosanska Krupa,
- KUD „Jezerki“ Jezerski,
- JU „Centar za kulturu, obrazovanje i informisanje“ Bosanska Krupa.

Za finansiranje tradicionalnih manifestacija, značajnih datuma, obilježavanje Dan općine, septembarskih dana slobode i ostalih kulturnih manifestacija izdvojeno je 53.183,00 KM.

Mladi

Nastavili smo sa realizacijom programa Omladinska banka. I u 2015. godini je potpisan Sporazum o saradnji i Deklaracija Mreže omladinskih banaka u okviru programa „Omladinska banka BiH“. U 2015. godini je od strane neformalnih grupa mladih realizovano 15 projekata na području Bosanske Krupe ukupne vrijednosti 50.767,83 KM od čega je 28.004,50 KM obezbijeđeno kao doprinos grupa iz zajednice, a 22.763,33 KM iz fonda Omladinske banke Bosanska Krupa koji je obezbijedila Općina Bosanska Krupa iz svog Budžeta i Fondacija Mozaik od donatora USAID.

Među odobrenim projektima su Zeleni otoci – zelene skakaonice, Čuvari kulture, Kabinet za engleski jezik, Nogotenis, Multimedijalni zid, 3u1 za Otoku, Upoznajte nas i našu tradiciju, Kutak za mlade, Dječiji kutak, Ograđivanje malonogometnog igrališta „Cer“, Klupe prijateljstva, Kurs bubnja, Izgradnja dječije igraonice i uređenje sportskog terena, Nexus i BiH zid. Projekti imaju za cilj unapređenje turizma, sporta, obrazovanja, općenito uslova za život mladih u Bosanskoj Krupi. U izvještajnoj godini Općina Bosanska Krupa je dobila Priznanje dobila za izuzetan doprinos u razvoju Omladinske banke, tj. podršku programa i sufinansiranje 15 projekata koje su u ovoj godini osmislili i realizirali mladi iz Bosanske Krupe.

Nastavili smo sa realizacijom Sporazuma za realizaciju programa omladinskih start-up biznisa potpisanim sa litutom za razvoj mladih KULT, te smo okončali i drugi po redu javni poziv za finansiranje najboljih omladinskih start-up biznisa u Bosanskoj Krupi.

Iz Budžeta Općine sufinansirani su i projekti/programi za mlade, rad Vijeća mladih. Podržane su sve manifestacije koje su organizovali mladi, a već tradicionalno je održana i Maturijada za srednjoškolace.

Općina Bosanska Krupa već devetu godinu zaredom sa Udruženjem Infohouse realizuje projekt Volontiraj-kreditiraj čiji cilj je da se svake godine pruži prilika mladima da u radnoj sredini steknu nova iskustva koja će biti od praktičnog značaja u njihovoj

profesionalnoj budućnosti, zarade novac i odluče o raspodjeli sredstava s ciljem razvijanja odgovornosti i brige za druge. Općina Bosanska Krupa je i ove godine u Jedinstveni općinski organ uprave primila pet učenika.

U izvještajnoj godini je u ovaj organ je za obavljanje volonterske prakse primljeno 8 (osam) volontera, čime mladi ljudi stižu uslove za samostalno obavljanje poslova i zadataka za koja su se školovali.

Tokom izvještajne subvencionirali smo prijem volontera u javna preduzeća i javne ustanove.

Ukupno u izvještajnoj godini iz Budžeta Općine za ove namjene je izdvojeno 131.334,00 KM.

NVO sektor

Projekte, programe, te rad Udruženja roditelja djece sa posebnim potrebama „Ada“ Bosanska Krupa, Udruženja Reis „Džemaludin Čaušević, LAG „Una-Sana“, humanitarna udruženja i Crveni križ, kao i drugih nevladinih organizacija smo sufinansirali iz Budžeta Općine.

LAG „Una-Sana“ kontinuirano radi na izradi projekata i apliciranju na javne pozive. Tako je i u izvještajnoj godini izradila niz projekata. U tabeli je prikazan pregled aplikacija koje su odobrene ili čiji je postupak u toku.

TABELARNI PREGLED APLICIRANIH PROJEKATA

Br	Naziv projekta	Donator	Vrijednost	Status
1.	ProjectNet System	Ministarstvo vanjskih poslova Ujedinjenog kraljevstva	91.000,00 funti	2015. odbijeno
2.	Izgradnja sistema centralnog grijanja u OŠ Pilana	Njemačko ministarstvo za ekonomsku suradnju	42.039,00 EUR	2015. implementirano
3.	Women's employment in the tourism sector	Ambasada SAD	40.150,00 USD	čekaju se rezultati
4.	Centar za koordinaciju iseljeničkih razvojnih inicijativa	Ministarstvo za ljudska prava i izbjeglice BiH	40.500,00 KM	2015. odbijeno
5.	A Blue and Challenging Danube for Fun	EU	168.400,00 EUR	čekaju se rezultati
6.	Rekonstrukcija sportsko rekreacionog centra Ada – Bosanska Krupa	FRMS	25.066,00 KM	čekaju se rezultati
7.	Solarni paneli za Centar NVO	MGPUZO USK	9.854,30 KM	2015. implementirano
8.	Urbana sigurnost	Ambasada Njemačke u BiH	49.726,00 KM	2015. odbijeno

Podržane su sve manifestacije koje su organizovali nevladina udruženja.

Također, smo realizovali projekt „Mobilni vrtić“ u JU „Dječiji vrtić i dom učenika“ Bosanska Krupa. Ovim projektom je omogućeno da svakog radnog dana u određeno vrijeme posebno opremljen kombi dolazi u naselja sa ciljnim grupama djece i tu se zadržava 90 minuta. Tokom boravka u određenom naselju djeca su imala isti program rada kao i djeca koja redovno pohađaju ovu predškolsku ustanovu.

Iz Budžeta Općine za ove namjene je izdvojeno 68.122,00 KM.

IV CIVILNO DRUŠTVO

Penzioneri

U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima kao pripadnicima najugroženije kategorije stanovništva u općini, iz sredstava Budžeta Općine Bosanska Krupa za 2015. godinu, kao i prošle godine, socijalno ugroženim penzionerima tokom čitave godine dodjeljivana su sredstva za jednokratne pomoći za nabavku ogrjeva, prehrane i drugih nužnih potreba. Pored navedenog finansijski je potpomognut rad i aktivnosti ovog Udruženja.

Za ovu namjenu iz Budžeta Općine je izdvojeno 8.000,00 KM iz granta, a po zahtjevima se pomagalo penzionerima iz tekuće budžetske rezerve.

Boračka populacija u konceptu lokalne samouprave

U oblasti dopunskih prava branilaca i članova njihovih porodica u skladu sa općinskom Odlukom o pravu na oslobođanje od obaveze plaćanja taksa i naknada za braniocce i članove njihovih porodica tokom 2015. godine rješavani su zahtjevi za oslobođanje od obaveze plaćanja naknade za uređenje gradskog građevinskog zemljišta, naknade iz osnova prirodnih pogodnosti (renta) i naknade za dodijeljeno gradsko građevinsko zemljište branilaca i članova njihovih porodica i drugim zahtjevima.

Odluka o općinskim administrativnim taksama je u potpunosti primjenjena na ove kategorije, te je u toku izvještajnog perioda od plaćanja administrativnih taksa koje se odnose na ovjere, izdavanje izvoda iz matičnih knjiga, te drugih taksa ukupno oslobođeno 16.274 lica.

U izvještajnom periodu radili smo na održavanju šehidskih spomen obilježja, spomen sobe, šehitluka.

U cilju olakšanja rada boračkih udruženja obezbijeđeno je korištenje općinskih prostorija bez naknade. Obezbijeđena su nužna sredstva:

- za funkcionisanje boračkih udruženja,
- za rješavanje stambenih potreba najugroženijih,
- za jednokratne pomoći.

Osim navedenog subvencionirali smo sve manifestacije, te programe iz ove oblasti i ukupno iz Budžeta Općine za ovu namjenu je izdvojeno 90.143,00 KM.

V KAPITALNI PROJEKTI I INFRASTRUKTURA

Investiciona ulaganja na području općine u prošloj godini bazirana su na sredstvima općinskog Budžeta, sredstvima federalne i malim dijelom kantonalne vlasti.

Pregled najvažnijih realiziranih kapitalnih projekata u 2015. godini:

R/b	Projekti	Ukupan iznos ugovora
1.	Sanacija i rek.lok.puteva – LOT-1 Put Zalug,Ul.Prvomajska i H.Selo	14.108,60
2.	Rehabilitacija ul.Gimnazijska u Bos.Krupi	34.903,07
3.	Rekonstrukcija i asfaltiranje dijela lokalnog puta Voloder u MZ Otoka	49.925,43
4.	Izgradnja interne saobraćajnice u PZ Pilana	53.356,30
5.	Rek. i asf. dijela puta „Veliki Badić-Mustelji“ u MZ Veliki Badić – LOT-3	13.575,28
6.	Rek. i asf. dijela puta prema bazenu u MZ Veliki Badić – LOT-4	4.469,99
7.	Rek. i asf. dijela puta „Kajtezi“ u MZ Otoka II – LOT-5	8.550,36
8.	Rek. i asf. dijela puta „Johovica“ u MZ Ostružnica – LOT-9	8.797,82
9.	Rek. i asf. dijela puta Selimagići-Ćatići u MZ Jezerski	16.105,62
10.	Sanacija i rekonstrukcija lokalnih puteva na teritoriji općine Bos.Krupa – LOT-2-Put Hodžići, put Smajlovići (MZ Pištaline)	7.777,30
11.	Rek. i asf. dijela puta „Burzići“ u MZ Otoka II – LOT-6	8.402,94
12.	Izvođenje radova na kolničkom zastoru i asfaltiranje dijela lokalnog puta od ul.Gazijska prema izvorištu „Pipe“	21.744,45
13.	Rek. i asf. dijela puta „Džaferovići“ u MZ Zalin – LOT-1	16.540,96
14.	Rek. i asf. dijela puta „10.Juli“ u MZ Krupa II – LOT-2	16.982,29
15.	Rek. i asf. dijela puta „Križ-Perna“ u MZ Pištaline/Krupa II – LOT-7	40.111,27
16.	Rek. i asf. dijela puta „Kobiljnjak“ u MZ Hodžinac – LOT-8	20.260,03
17.	Rekonstrukcija dijela lokalnog puta u naselju Jasenica	34.579,80
18.	Rekonstrukcija i asfaltiranje dijela lokalnog puta u naselju Čojluk	15.789,38
19.	Rek. i asf. dijela lok.puta Voloder u MZ Otoka Centar	16.833,21
20.	Sanacija udarnih rupa	18.837,00
21.	Rekonstrukcija puta Veliki Radić	39.516,01
22.	Asfaltiranje prostora iza zgrade SP-30	27.368,72

23.	Izvođenje radova na sanaciji objekta kotlovnice u „Drugoj Osn.školi“ B.K.	4.870,00
24.	Sanacija drvenih pješačkih mostova na malim adama u Bos.Krupi	28.876,77
25.	Sanacija klizišta u MZ Hodžinac lokalitet Tašlije	18.647,97
26.	Izrada potpornog zida i izdizanje nivelete puta ul.Krušnička	7.753,20
27.	Čišćenje vodotoka potoka Svetinja	12.705,15
28.	Regulacija potoka Kalender VII faza	13.148,03
29.	Uređenje platoa „Zanatskog centra“	65.006,37
30.	Sanacija štete na lokalnim putevima usljed obilnih padevina	77.561,27
31.	Rekonstrukcija trotoara u ulici Patriotske lige u Bos.Krupi	3.864,00
32.	Sanacija klizišta i odrona na lokalnim putevima	23.528,23
33.	Regulacija potoka Kalender VIII faza	42.420,56
34.	Izgradnja dijela cjevovoda za vodosnabd.naselja Zalin,Polje,G.Petr.	10.035,00
35.	Izvođenje radova na regulaciji potoka Kalender – IX faza	38.369,97
36.	Izvođenje radova na regulaciji potoka Kalender – X faza	8.565,80
37.	Izrada krova na objektu područne škole u Pištalinama	67.894,26
38.	Zamjena stolarije na objektu OŠ „Jezerki“	28.079,64
39.	Izgradnja kanalizacionog sistema u općini Bosanska Krupa	1.358.552,03
40.	Izgradnja vodovodnog sistema za podgrmečka naselja – II faza	77.173,71
	UKUPNO	2.695.300,70

Pored ulaganja u kapitalne projekte ulagali smo i u realizaciju drugih projekata, kao i prižali podršku za realizaciju projekta i to:

R.br.	Naziv	Realiziran iznos
1.	Projekti prekogranične saradnje-Zeleni otoci	117.325,00
2.	Podrška projekata po javnim pozivima	32.574,00
3.	Projekti prekogranične saradnje i međunarodnih organizacija	72.605,00
4.	Nabavka opreme za projekt CREDO	19.696,00
5.	Mobilni vrtić	31.855,00
	UKUPNO	274.055,00 KM

U okviru projekta WATSAN FBiH realizovan je Ugovor na izgradnji kanalizacionog sistema u općini Bosanska Krupa. Izvedeno je izvedeno 8.606,54 metara kolektora i 252 reviziona okna. Radovima su obuhvaćena naselja Bužimkići, Govedarnica, Lijeva obala Krušnice, Aleja Z.Ljiljana, Halkići - desna obala, Ljusina, Manda i Mujagici.

Vrijednost ovog ugovora, koji je u potpunosti završen je **1.358.552,03 KM**.

Nastavljene su aktivnosti koje se odnose na II fazu projekta općinske kanalizacione mreže i izgradnju postrojenja za prečišćavanje otpadnih voda u Bosanskoj Krupi i

Bosanskoj Otoci, a koja se finansiraju grant sredstvima Evropske investicione banke namijenjena za sakupljanje i tretman otpadnih voda.

Prikazani projekti su projekti koje je isključivo realizovala Općina bez projekata koje su realizovale kantonalne i federalne institucije na području naše općine.

U sklopu projekta „Razvoj inovacija i privlačenje investicija u Unsko-sanskom kantonu – BINOVA”, kojeg provode Razvojna agencija USK sa Općinom Bosanska Krupa, Vladom USK, Centrom za promociju lokalnog razvoja PLOD iz Bihaća i Tehničkim fakultetom u Bihaću rekonstruisan je objekt u Poslovnoj zoni „Pilana” namijenjenog Centru za podršku inovacijama koji kroz programe pruža podršku malom i srednjem poduzetništvu u Bosanskoj Krupi, ali i u ostalim općinama Unsko-sanskog kantona.

VI JAVNOST I TRANSPARENTNOST RADA

U radu Općinskog organa uprave kao jedno od značajnih pitanja je i pitanje transparentnosti rada i dostupnosti informacijama građanima, privrednim subjektima i drugim subjektima o pitanjima za koje imaju interes. Isto se ogleda u dosljednoj primjeni Zakona o slobodi pristupu informacijama, učešću javnosti u svim postupcima za koje je zakonom propisano uključivanje javnosti (javni uvid, javne rasprave, i sl.), provođenje anketa, primjedbe, prijedlozi i mišljenja.

Svakodnevnim aktivnostima omogućili smo građanima da utječu na donošenje ključnih odluka i uopće na kvalitet svog života. Učešće javnosti u postupku izrade i donošenja odluka, planskih i razvojnih dokumenata osigurano je pružanjem uvida u nacрте, putem javnih rasprava, objavama u sredstvima javnog informisanja, te putem web stranice Općine Bosanska Krupa.

O radu načelnika i općinskih službi građani su se redovno informisali kroz Općinsku web stranicu, oglasnu tablu, radio emisije i druge medije.

Osim navedenih aktivnosti i koordinacije rukovođenja općinskim službama, općinski načelnik se neposredno angažovao i na rješavanju drugih pitanja iz nadležnosti lokalne zajednice i od značaja za građane, privredne i druge subjekte, te brži razvoj lokalne zajednice u cjelini. Nastavili smo dobru saradnju sa Međunarodnim fondom za poljoprivredni razvoj (IFAD) - Uredom za koordinaciju projekata u poljoprivredi F BiH i Fondacijom za održivi razvoj (OdRaz), Razvojnou, Svjetskou (WB), Evropskou investicionou bankou (EIB), kantonalnim i federalnim ministarstvima.

Također je potrebno napomenuti da je održan niz radnih sastanaka s privrednicima s područja općine Bosanska Krupa, te da je i ove godine upriličeno druženje koje je ujedno i prilika privrednicima da razmjene iskustva i na taj način rade na stvaranju ili jačanju poslovnih mehanizama.

Sastavni dio ovog Izvještaja je tabela rekapitulacije broja predmeta za organizacionu jedinicu Načelnik za izvještajni period.

VII ZAKLJUČAK

Podneseni Izvještaj o radu općinskog načelnika Općine Bosanska Krupa za 2015. godinu sadrži prikaz poslova i zadataka iz nadležnosti Načelnika kao izvršnog organa Općine Bosanska Krupa. Općinski načelnik je uz stručnu, administrativnu i tehničku pomoć službi u Općini Bosanska Krupa, a u okviru finansijskih mogućnosti planiranih Budžetom, u izvještajnom periodu obavljao poslove iz svoje nadležnosti na način koji će osigurati uslove za što kvalitetnije zadovoljavanje lokalnih potreba građana općine Bosanska Krupa, te je stoga u 2015. godini nastojao odgovorno i kvalitetno ispuniti svoju obavezu vođenja izvršnih poslova Općine kao jedinice lokalne samouprave.

Iako su u ovom izvještajnom periodu urađeni planirani poslovi, kao i mnogo poslova koji su se u toku godine pojavili kao prioritetni, treba naglasiti da se susrećemo sa mnogim problemima u radu, te s toga u narednom periodu očekujem i nadam se većoj saradnji i podršci od strane Općinskog vijeća na realizaciji zajedničkih projekata.

I dalje ću insistirati na realizaciji zacrtanih zadataka službi i na još odgovornijem i blagovremenom obavljanju poslova iz ovog organa.

Pozivam vijećnike Općine Bosanska Krupa, predsjednike mjesnih zajednica i sve građane kad god imaju potrebu, prijedlog ili pak problem, da iniciraju sastanak kako bismo zajednički pokušali rješavati naše probleme i ostvariti naše planove.

Vijećnicima, saradnicima, službenicima, namještenicima i zaposlenicima u općinskoj upravi, koji su imali razumijevanja, zahvaljujem se na pomoći, povjerenju i saradnji.

Broj:01/N-05-2537-1/16
Bosanska Krupa, 28.3.2016.godine

OPĆINSKI NAČELNIK
Armin Halitović

